

He Tiro Mākutu

Nā Jan Maguiness


Whatukura

He Whakatau

Me mātua pānui kia mārama rawa koe i ngā whārangi 8–14 o tēnei pukapuka.

He whakarāpopoto

Pānuihia te whakarāpopoto ki te ākonga. Kua whakaaro anō koe ka aha koe ki te tūtaki koe ki tētahi tuatara? Kāti, mihi mai ki te tuatara, tētahi o ā tātou kirehe mīharo rawa atu mai te ao kōhatu.



He kupu whakataki

Kia kaha ki te whakamahi i ngā wheako, me ngā mōhio o ngā ākonga. Kia hāngai tonu te whakatenatena, ki te whakauru i ngā ākonga katoa. Me whakatītina rawa te pūkenga tiro whakamua. Matapakihia ngā kupu hou me mahi rawa te kupu taka me ngā whakaahua kei te uhi. Me whakamaumahara hoki te ākonga kia pātai ki a ia anō, i te wā e pānui ana ia mai i te tīmatanga ki te mutunga o te pānui.

Me tūhono ēnei kōrero ki ngā mahi Pūtaiao, ki ngā mōhio hoki o ngā tamariki. Ki te tūtaki koe ki te tuatara, otirā, ki te pā koe ki te tuatara, ka aha koe? Ki ōu whakaaro he pēhea te rongo ki te whāwhā i te kiri tuatara? Hei tō tītiro tuatahi whakamāramahia mai o kare ā – roto mō te āhua o te tuatara. Hei muri i te pānui kua aha ō whakaaro? I Taku Kitenga, K4, Tauaromahi 2002, Te Reo Māori, Te Whenua Tuhituhi, Te Tāhūhū o Te Mātauranga. He pēhea o whakaaro mō ngā tāngata kaipūtaiao me Te Papa Atawhai e tiaki nei i te tuatara. Pēnā kotahi rau noa iho ngā tāngata i te ora i te ao, ka mutu, he maha ake ētahi mōmō ka aha koe?

He Matapaki

Tirohia te pai o te pānui a te ākonga

I te wā o te matapaki me pānui te ākonga i te katoa, i tētahi wāhanga noa iho rānei o te pukapuka ki a koe. Kātahi ka:

- whakanui, āta tatari, whakahau tika;
- tītiro mēnā e tika ana, e pai ana hoki (mā te tataui i ngā hē), te rere o te reo;
- tītiro mēnā e mārama ana mā te whai i tētahi o ngā huarahi e whai ake nei;
 - te pātai i ngā whakapuaki māramatanga me ētahi e tika ana, ā, whakaritea kia kōrero anō te ākonga i tētahi wāhanga o te pakiwaitara ki āna kupu ake;
 - te pātai mō tētahi āhuatanga o te pakiwaitara, arā, te kaupapa, te ritenga, ngā ariā mātua, te raupapatanga, ngā kiripuaki;
 - te whakatenatena i te ākonga mō tana tiro ki mua i whakaputa ai ia i te wā o te whakataki.

Whakaarohia he aha atu hei mahi mā te ākonga

Me whakahau te ākonga:

- ki te whakamahi anō i te pukapuka i te taha o te mihini whitireo, i tōna kotahi rānei;
- ki te whakaoti i tētahi o ngā hei mahi e pā ana ki te pukapuka;
- ki te whakaharatau kia eke te ākonga ki tētahi atu taumata.

He whakapuaki māramatanga

1. I te kitenga tuatahi o ngā tamariki i te tuatara i aha rātou?
2. He aha ngā kararehe, ngā kaipatu whakamaru i te oranga o te tuatara?
3. E hia te roa te tuatara e ora ana?
4. I pēhea i pāititi ai te matakū o ngā tamariki?
5. Me pēhea tā tātou āwhina i te tuatara kia pai ai tana noho?

Ngā whakautu ki ngā whakapuaki māramatanga

1. I matakū rātou kei ngaua rātou.
2. Ko te tangata, ko te kiore, ko te ngeru, ko te kurī, ko te poaka.
3. Kotahi rau tau te tuatara e ora ana.
4. He maha ngā whakautu rerekē.
5. He maha ngā whakautu rerekē.

He Mahere – Hei Tautoko i te Reo

E whai ake nei ētahi huarahi hei mahinga ngātahi mā ngā ākonga. Tirohia ngā whārangi kei te He Tirohanga Whānui mō ngā tino āhuatanga o te pukapuka nei.

Te pūtake

T He tipako mōhiohio mai te pukapuka.

He whakatakinga ā-roto, he whakaharatau

Kia mārama ai te ākonga he aha te kōrero pūmau me mātua matapaki te rerekē o te pūmau me te auaha. Ko te kōrero pūmau he kōrero pono. Ko te kōrero auaha he kōrero mai i te manawa, mai i te hinengaro. Kia mutu te pānui ka tipako ai ngā kōrero pūmau, ka matapaki anō ai, he aha i pūmau ai?

- He koi ngā niho o te tuatara (pono)
- He ngohengohe te tuara o te tuatara (pono)
- He kaha ōna waewae (pono)

Me mahi tahi te pouako me te ākonga te whārangi tuatahi kia taunga rā anō, kātahi ka tuku ai kia mahi takitahi.